



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

ODLUKA
O DAVANJU SAGLASNOSTI NA
P R A V I L N I K
O IZMJENAMA PRAVILNIKA
O UNUTRAŠNJOJ ORGANIZACIJI PRAVOBRANIŠTVA GRADA SARAJEVO

(Prijedlog)

Sarajevo, septembar 2021. godine

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



Na osnovu člana 46. stav 4. Zakona o pravobranilaštvu („Službene novine Kantona Sarajevo“, br.: 33/08-novi Prečišćeni tekst, 7/12 i 44/16) i člana 26. stav 1. tačka 2. Statuta Grada Sarajevo („Službene novine Kantona Sarajevo“, broj: 34/08), Gradsko vijeća Grada Sarajevo na ... sjednici održanoj dana donosi

(PRIJEDLOG)

ODLUKU

**o davanju saglasnosti na Pravilnik o izmjenama Pravilnika
o unutrašnjoj organizaciji Pravobranilaštva Grada Sarajevo**

Član 1.

Daje se saglasnost na Pravilnik o izmjenama Pravilnika o unutrašnjoj organizaciji Pravobranilaštva Grada Sarajevo broj: 01-08-Gp-54/21 od 03.09.2021. godine.

Član 2.

Ova Odluka stupa na snagu narednog dana od dana objavljivanja u Službenim novinama Kantona Sarajevo.

PREDSJEDAVAJUĆI GRADSKOG VIJEĆA

Jasmin Ademović

Broj:
Sarajevo, 2021. godine

OBRAZLOŽENJE

I – PRAVNI OSNOV

Pravni osnov za donošenje ovog Pravilnika sadržan je u odredbama člana 46. stav 4. Zakona o pravobranilaštvu kojim je propisano da gradski pravobranilac Pravilnikom utvrđuje unutrašnju organizaciju Pravobranilaštva po prethodno pribavljenoj saglasnosti Gradskog vijeća, te Uredbi o načelima za utvrđivanje unutrašnje organizacije kantonalnih, gradskih i općinskih organa uprave i upravnih organizacija kojom se utvrđuju načela za utvrđivanje unutrašnje organizacije kantonalnih ministarstava, kantonalnih uprava, kantonalnih upravnih organizacija i stručnih službi, gradskih i općinskih organa uprave, upravnih organizacija i stručnih službi, sadržaj pravilnika o unutrašnjoj organizaciji, osnove za utvrđivanje organizacionih jedinica i uvjeti za njihovo organizovanje, sistematizacija radnih mjesta, rukovođenje organom i organizacionim jedinicama i druga pitanja od značaja za izradu pravilnika o unutrašnjoj organizaciji.

II – RAZLOZI ZA DONOŠENJE

U proteklim izvještajnim periodima o radu Pravobranilaštva Grada Sarajevo vidljivo je da je došlo do brojčanog povećanja svih vrsta predmeta koji spadaju u nadležnost Pravobranilaštva. Pored predmeta iz svoje izvorne nadležnosti Pravobranilaštvo je preuzelo i zastupanja u sudskim prekršajnim postupcima kod Općinskog suda u Sarajevu. Iako zastupanje u prekršajnim postupcima ne spada u izvornu nadležnost rada pravobranilaštva, Pravobranilaštvo Grada je preuzelo zastupanje u ovim postupcima obzirom da osoba koja poduzima radnje zastupanja pred sudom mora imati položen pravosudni ispit a koji zaposleni u pravobranilaštvu nužno i posjeduju.

Također, uporednom analizom sa drugim Pravobranilaštvima obrazovanim na nivou svih općina kao i Kantona Sarajevo primjetno je da je u okviru njihove sistematizacije radnih mjesta broj izvršilaca radnog mjesta zamjenika pravobranioca najmanje dva, a u većini organizacija tri ili više.

Predloženom izmjenom Pravilnika o unutrašnjoj organizaciji Pravobranilaštva Grada Sarajevo dodatno će se kapacitirati ovaj organ sa stručnim osobljem što će omogućiti efikasnije izvršavanje radnih zadataka na zaštiti imovine i imovinskih interesa Grada Sarajevo.

III – FINANSIJSKA SREDSTVA

U Budžetu Grada Sarajevo konto 611000 - Plaće i naknade troškova zaposlenih planiraju se za svaku budžetsku godinu naknade prema zastupljenim radnim mjestima.

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
GRAD SARAJEVO
PRAVOBRANILAŠTVO GRADA SARAJEVO

**P R A V I L N I K
O IZMJENAMA PRAVILNIKA
O UNUTRAŠNJOJ ORGANIZACIJI PRAVOBRANILAŠTVA GRADA SARAJEVO**

Sarajevo, septembar 2021. godine

Na osnovu člana 46. stav 4. Zakona o pravobranilaštvu („Službene novine Kantona Sarajevo“, br.: 33/08-novi Prečišćeni tekst, 7/12 i 44/16) i Uredbe o načelima za utvrđivanje unutrašnje organizacije kantonalnih, gradskih i općinskih organa uprave i upravnih organizacija („Službene novine Kantona Sarajevo“, br.: 36/06, 8/12 i 39/16), Pravobranilac Grada Sarajevo, uz prethodno pribavljenu saglasnost Gradskog vijeća Grada Sarajevo, d o n o s i

P R A V I L N I K
O IZMJENAMA PRAVILNIKA
O UNUTRAŠNJOJ ORGANIZACIJI PRAVOBRANILAŠTVA GRADA SARAJEVO

Član 1.

(Izmjena člana 9.)

U Pravilniku o unutrašnjoj organizaciji Pravobranilaštva Grada Sarajevo broj: 01-08-Gp-40/17 od 26.05.2017. godine u Poglavlju III – sistematizacija radnih mjesta u članu 9. stav (10) riječi: „Broj izvršilaca: 1 (jedan)“ zamjenjuju se riječima: „Broj izvršilaca: 2 (dva)“.

Član 2.

(Ostale odredbe)

U preostalom dijelu Pravilnik o unutrašnjoj organizaciji Pravobranilaštva Grada Sarajevo broj: 01-08-Gp-40/17 od 26.05.2017. godine ostaje nepromijenjen.

Član 3.

(Stupanje na snagu)

Ovaj Pravilnik stupa na snagu sa danom stupanja na snagu Odluke Gradskog vijeća Grada Sarajevo o davanju saglasnosti na Pravilnik o izmjenama Pravilnika o unutrašnjoj organizaciji Pravobranilaštva Grada Sarajevo.

Sarajevo, 03.09.2021. godine
Broj: 01-08-Gp-54/21

PRAVOBRANILAC GRADA SARAJEVO

Sanjin Smajlović, s.r.

Odlukom Gradskog vijeća Grada Sarajevo, broj: _____ od _____ godine, data je saglasnost na Pravilnik o izmjenama Pravilnika o unutrašnjoj organizaciji Pravobranilaštva Grada Sarajevo.

BOSNA I HERCEGOVINA
Federacija Bosne i Hercegovine
KANTON SARAJEVO
GRAD SARAJEVO



Grad Sarajevo
City of Sarajevo

BOSNIA AND HERZEGOVINA
Federation of Bosnia and Herzegovina
CANTON OF SARAJEVO
CITY OF SARAJEVO

**PRAVILNIK
O UNUTRAŠNJOJ ORGANIZACIJI
PRAVOBRANILAŠTVA GRADA SARAJEVO**

Sarajevo, maj 2017. godine

Adresa: Hamdije Kreševljakovića 3, 71000 Sarajevo, Bosna i Hercegovina
Tel: +387 33 206 440; **Fax:** +387 33 206 440
e-mail: pravobranilastvo@sarajevo.ba; **web:** www.sarajevo.ba



EYOF 2019
Sarajevo & East Sarajevo

Na osnovu člana 71. Zakona o državnoj službi u Kantonu Sarajevo („Službene novine Kantona Sarajevo“, broj 31/16), člana 73. Zakona o namještenicima u organima državne službe u Federaciji Bosne i Hercegovine („Službene novine Federacije BiH“, broj 49/05), člana 46. stav 4. Zakona o pravobranilaštvu („Službene novine Kantona Sarajevo“, br.: 33/08-novi Prečišćeni tekst, 7/12 i 44/16), čl.: 33. i 34. Uredbe o poslovima osnovne djelatnosti iz nadležnosti organa državne službe u Kantonu Sarajevo koje obavljaju državni službenici, uslovima za vršenje tih poslova i ostvarivanju određenih prava iz radnog odnosa („Službene novine Kantona Sarajevo“, broj 39/16), člana 29. Uredbe o dopunskim poslovima osnovne djelatnosti i poslovima pomoćne djelatnosti iz nadležnosti organa državne službe koje obavljaju namještenici („Službene novine Federacije BiH“, br. 69/05 i 29/06), Uredbe o načelima za utvrđivanje unutrašnje organizacije kantonalnih, gradskih i općinskih organa uprave i upravnih organizacija („Službene novine Kantona Sarajevo“, br.: 36/06, 8/12 i 39/16) i člana 28. Odluke o osnivanju Pravobranilaštva Grada Sarajevo („Službene novine Kantona Sarajevo, br.: 20/10, 30/15 i 12/17), Pravobranilac Grada Sarajevo, uz prethodno pribavljenu saglasnost Gradskog vijeća Grada Sarajeva, **d o n o s i**

PRAVILNIK O UNUTRAŠNJOJ ORGANIZACIJI PRAVOBRANILAŠTVA GRADA SARAJEVO

POGLAVLJE I – OPĆE ODREDBE

Član 1.

(Predmet)

Ovim Pravilnikom se, u skladu sa Zakonom o pravobranilaštvu („Službene novine Kantona Sarajevo“, br.: 33/08-novi Prečišćeni tekst, 7/12 i 44/16) (u daljem tekstu: Zakon), Odlukom o osnivanju Pravobranilaštva Grada Sarajeva („Službene novine Kantona Sarajevo, br.: 20/10, 30/15 i 12/17) (u daljem tekstu: Odluka) i drugim zakonskim propisima, utvrđuje:


- a) unutrašnja organizacija Pravobranilaštva Grada Sarajevo (u daljnjem tekstu: Pravobranilaštvo),
- b) djelokrug rada,
- c) sistematizacija radnih mjesta i broj izvršilaca, opis poslova i zadataka, stručna osposobljenost, ovlaštenja i odgovornost, nosilaca funkcije, državnih službenika i namještenika u obavljanju poslova,
- d) ovlaštenja u rukovođenju Pravobranilaštva,
- e) stručni kolegij,
- f) radni odnosi i disciplinska odgovornost,
- g) uslovi za prijem pripravnika i volontera,
- h) programiranje i planiranje rada,
- i) javnost rada, te
- j) druga pitanja od značaja za organizaciju i funkcionisanje Pravobranilaštva.

Član 2.

(Principi)

Unutrašnja organizacija i način rada Pravobranilaštva zasniva se na slijedećim principima:

- a) da unutrašnja organizacija bude racionalna i da osigurava uspješno i efikasno obavljanje svih poslova iz nadležnosti Pravobranilaštva;
- b) da se grupisanje poslova u jednu cjelinu vrši prema njihovoj međusobnoj povezanosti i srodnosti, vrsti, obimu, stepenu složenosti, odgovornosti i drugim uslovima za njihovo vršenje;
- c) puna i ravnomjerna zaposlenost svih državnih službenika i namještenika i da mogu doći do izražaja njihove stručne i druge sposobnosti,



d) da se broj izvršilaca odredi tako da bude adekvatan vrsti, obimu i složenosti poslova iz nadležnosti Pravobranilaštva;
da se izvrši pravilna raspodjela poslova na poslove za koje su nadležni državni službenici i poslove za koje su nadležni namještenici.

Član 3.

(Djelokrug rada)

- 1) Djelokrug rada i nadležnost Pravobranilaštva utvrđen je odredbama Zakona i Odluke i drugim pravnim propisima od značaja za funkcionisanje Pravobranilaštva.
- 2) Vrsta i obim poslova kojima se ostvaruje djelokrug rada Pravobranilaštva utvrđeni su odredbama ovog Pravilnika.

POGLAVLJE II – UNUTRAŠNJA ORGANIZACIJA

Član 4.

(Unutrašnja organizacija)

Poslovi i zadaci iz djelokruga rada Pravobranilaštva su:

- a) Poslovi nosilaca pravobranilačke funkcije,
- b) Stručni i administrativno-tehnički poslovi.

Član 5.

(Poslovi nosilaca pravobranilačke funkcije)

Poslovi nosilaca pravobranilačke funkcije su:

- a) poslovi preduzimanja pravnih radnji radi pravne zaštite imovine i imovinskih interesa pred sudovima i drugim organima, /kao i u drugim slučajevima zaštite imovine i imovinskih interesa Grada kada je za to ovlašteno zakonom, i ima položaj stranke u postupku./
- b) poslovi preduzimanja pravnih radnji radi pravne zaštite imovine i imovinskih interesa javnih preduzeća, / javnih ustanova i drugih pravnih lica čiji je osnivač, odnosno suosnivač Grad, po zahtjevu osnivača, odnosno suosnivača, /
- c) poslovi zastupanja organa i pravnih lica iz tačke a) i b) ovog člana u svim sudskim i upravnim postupcima, /
- d) davanje pravnih mišljenja prije zaključivanja ugovora imovinsko-pravnog karaktera, /
- e) kontrole zakonitosti zaključenih ugovora imovinsko-pravnog karaktera i ugovora o otkupu stanova,
- f) davanje pravnih mišljenja u postupku donošenja općih akata kojima se uređuju imovinsko-pravni odnosi, prava i obaveze prema stvarima u vlasništvu Grada Sarajevo,
- g) davanja mišljenja Gradskom vijeću Grada Sarajevo u postupku raspolaganja gradskog građevinskog zemljišta, /
- h) obavljanje i drugih poslova i zadataka iz nadležnosti Pravobranilaštva utvrđenih zakonom i drugim pravnim propisima.

Član 6.

(Stručni i administrativno-tehnički poslovi)

(1) Stručni i administrativno-tehnički poslovi su:

- a) poslovi izrade normativnih akata, budžeta, izvještaja, programa i sl, /
- b) poslovi iz radnog odnosa, /
- c) poslovi pisarnice: prijem pošte, raspoređivanje pismena, osnivanje predmeta i popis i sređivanje spisa, predaje predmeta u rad, otpremanje pismena, vođenje i zaključivanje

upisnika, pomoćnih knjiga i drugih evidencija, odlaganje predmeta u arhivu, čuvanje i izdavanje predmeta, sortiranje predmeta po broju, vrsti i stepenu završenosti,

d) poslovi vođenja statističkih i drugih podataka,
e) ostali poslovi administrativno-tehničke prirode iz nadležnosti Pravobranilaštva, utvrđeni zakonom i drugim pravnim propisima.

(2) Stručni i administrativno-tehnički poslovi organizuju se i izvršavaju u cilju što potpunijeg i efikasnijeg izvršavanja osnovne djelatnosti Pravobranilaštva, te s ciljem izvršavanja ostalih zakonom utvrđenih prava i obaveza Pravobranilaštva. ✓

Član 7.

(Računovodstveno-materijalni poslovi)

(1) Računovodstveno-materijalni poslovi, poslovi u vezi sa radnim odnosima i plaćama, kurirski poslovi, poslovi održavanja uređaja, opreme, prostorija, namještaja, poslovi vozača i sl. povjeravaju se službama u okviru Jedinственог Gradskog organa uprave i stručnih službi. ✓

(2) Pravilnici i druga pravna akta koji se iz navedenih oblasti primjenjuju na državne službenike i namještenike Jedinственог Gradskog organa, primjenjuju se i na državne službenike i namještenike Pravobranilaštva, ukoliko Zakonom drugačije nije uređeno. ✓

POGLAVLJE III – SISTEMATIZACIJA RADNIH MJESTA

Odjeljak A.- Poslovi nosilaca pravobranilačke funkcije

Član 8.

(Pravobranilac)

(1) **Naziv radnog mjesta:** Pravobranilac.

(2) **Opis poslova:** Poslovi i zadaci Pravobranilaca su poslovi i zadaci nosilaca pravobranilačke funkcije i utvrđeni su Zakonom i članom 5. ovog Pravilnika.

(3) Shodno Zakonu Pravobranilac se imenuje na period od četiri godine i može biti ponovno imenovan.

(4) **Uslovi za vršenje poslova:** VSS – Diplomirani pravnik ili Bakalaureat/Bachelor prava sa ostvarenih 240 ECTS studijskih bodova Bolonjskog sistema studiranja, položen pravosudni ispit, iskustvo u radu na imovinsko-pravnim poslovima u pravobranilaštvu, pravosudnim organima i drugim državnim organima, preduzećima i drugim pravnim licima, u trajanju najmanje tri godine nakon položenog pravosudnog ispita, posjedovanje najviših moralnih osobina za obavljanje pravobranilačke funkcije.

(5) **Vrsta djelatnosti:** Poslovi osnovne djelatnosti.

(6) **Naziv grupe poslova:** Poslovi zastupanja, normativno-pravni i studijsko-analički poslovi.

(7) **Složenost poslova:** Najsloženiji.

(8) **Broj izvršilaca:** 1 (jedan).

Član 9.

(Zamjenik pravobranilaca)

(1) **Naziv radnog mjesta:** Zamjenik Pravobranilaca.

(2) **Opis poslova:** Poslovi i zadaci zamjenika Pravobranilaca su poslovi i zadaci nosilaca pravobranilačke funkcije i utvrđeni su Zakonom i članom 5. ovog Pravilnika.

(3) Zamjenik pravobranilaca vrši poslove iz djelokruga Pravobranilaštva koje mu odredi Pravobranilac.

(4) U zastupanju pred sudovima i drugim organima zamjenik Pravobranilaca ima ovlaštenje Pravobranilaca.

- (5) **Skladno Zakonu zamjenik Pravobranioaca se imenuje bez ograničenja trajanja mandata.**
- (6) **Uslovi za vršenje poslova:** VSS – Diplomirani pravnik ili Bakalaureat/Bachelor prava sa ostvarenih 240 ECTS studijskih bodova Bolonjskog sistema studiranja, položen pravosudni ispit, iskustvo u radu na imovinsko-pravnim poslovima u pravobranilaštvu, pravosudnim organima i drugim državnim organima, preduzećima i drugim pravnim licima, u trajanju najmanje tri godine nakon položenog pravosudnog ispita, posjedovanje najviših moralnih osobina za obavljanje pravobranilačke funkcije.
- (7) **Vrsta djelatnosti:** Poslovi osnovne djelatnosti.
- (8) **Naziv grupe poslova:** Poslovi zastupanja, normativno-pravni i studijsko-analitički poslovi.
- (9) **Složenost poslova:** Najsloženiji poslovi.
- (10) **Broj izvršilaca:** 1 (jedan).

Odjeljak B.- Stručni i administrativno-tehnički poslovi

Član 10.

(Stručni savjetnik)

- (1) **Naziv radnog mjesta:** Stručni savjetnik u Pravobranilaštvu.
- (2) **Opis poslova:** Poslovi i zadaci stručnog savjetnika u Pravobranilaštvu su stručni i administrativno-tehnički poslovi i utvrđeni su Zakonom i članom 6. ovog Pravilnika, kao i poslovi:
- pomoći Pravobraniocu i zamjeniku Pravobranioaca u proučavanju i pripremi predmeta, proćavanju pravnih pitanja u vezi sa radom Pravobranilaštva u pojedinim predmetima,
 - ućešća u pripremi i izradi nacрта i prijedloga općih i drugih akata Pravobranilaštva,
 - praćenja propisa koji se odnose na djelokrug Pravobranilaštva,
 - pripremi tumaćenja, objašnjenja i stručnih uputstava za primjenu zakona i drugih propisa,
 - obrađivanju svih vrsta predmeta iz raznih pravnih oblasti i izradi prijedloga meritornih odluka i mišljenja,
 - pokretanja postupaka pred sudovima i upravim organima, uz saglasnost Pravobranioaca, odnosno zamjenika Pravobranioaca,
 - davanja stručne pomoći organima Grada, javnih preduzećima, javnim ustanovama i drugim pravnim licima čiji je osnivač, odnosno suosnivač Grad Sarajevo,
 - koje mu odredi Pravobranilac, odnosno zamjenik Pravobranioaca, u okviru radnog mjesta.
- (3) **Uslovi za vršenje poslova:** VSS – Diplomirani pravnik ili Bakalaureat/Bachelor prava sa ostvarenih 240 ECTS studijskih bodova Bolonjskog sistema studiranja, položen pravosudni ispit, i najmanje tri godine radnog iskustva u struci na najsloženijim poslovima utvrđenim Zakonom nakon položenog pravosudnog ispita, posjedovanje najviših moralnih osobina za obavljanje pravobranilačke funkcije,
- Naziv grupe poslova:** Normativno-pravni, studijsko-analitički poslovi i poslovi upravnog rješavanja,
 - Složenost poslova:** Najsloženiji poslovi,
 - Status izvršioaca:** Državni službenik,
 - Pozicija radnog mjesta:** Stručni savjetnik,
 - Vrsta djelatnosti:** Osnovna djelatnost
 - Broj izvršilaca:** 1 (jedan).

Član 11.

(Viši referent za administrativno-tehničke poslove)

- (1) **Naiv radnog mjesta:** Viši referent za administrativno-tehničke poslove.

- (2) **Opis poslova:** Poslovi i zadaci višeg referenta su stručni i administrativno-tehnički poslovi i utvrđeni su Zakonom i članom 6. ovog Pravilnika, kao i poslovi:
- a) evidentiranja i najave stranaka, prijema telefonskih, telefax i e-mail poruka, te ostalih telefonskih usluga po potrebi i naredbi Pravobranioca, odnosno zamjenika Pravobranioca,
 - b) obrade materijala na računaru u prijepisu ili dikatatu (prijepis tekstova, tabela i sl.),
 - c) pripremanja i zavođenja putnih naloga,
 - d) pripremanje liste evidencije prisustva na radu,
 - e) ostali poslovi po nalogu Pravobranioca, odnosno zamjenika Pravobranioca.
- (3) **Uslovi za vršenje poslova:** SSS- upravnog ili birotehničkog smjera ili gimnazija, položen stručni ispit, 10 mjeseci radnog iskustva na istim ili sličnim poslovima, poznavanje rada računaru.
- (4) **Vrsta djelatnosti:** Dopunski poslovi osnovne djelatnosti,
- (5) **Naziv grupe poslova:** Administrativno-tehnički poslovi,
- (6) **Složenost poslova:** Djelimično složeni poslovi,
- (7) **Status izvršioca:** Namještenik,
- (8) **Pozicija radnog mjesta:** Viši referent,
- (9) **Broj izvršilaca:** 1 (jedan).

POGLAVLJE IV – OVLAŠTENJA U RUKOVOĐENJU I STRUČNI KOLEGIJ

Član 12.

(Ovlaštenja u rukovođenju)

- (1) Pravobranilac predstavlja Pravobranilaštvo Grada Sarajevo, rukovodi njegovim radom i vrši prava i dužnosti utvđene Zakonom, Odlukom i drugim propisima i općim aktima.
- (2) U slučaju odsutnosti ili spriječenosti Pravobranioca da obavlja svoju funkciju, zamjenjuje ga zamjenik Pravobranioca.

Član 13.

(Stručni kolegij)

- (1) U cilju zakonitog, efikasnog, kvalitetnog i potpunog obavljanja poslova i zadataka Pravobranilac obrazuje stručni kolegij, kao oblik organizovanja i metoda rada prilikom raspravljanja i zauzimanja jedinstvenih stavova u vezi svih važnih pitanja koji se tiču djelokruga rada Pravobranilaštva.
- (2) Stručni kolegij sačinjavaju Pravobranilac, zamjenik Pravobranioca i stručni savjetnik u Pravobranilaštvu. Stručni kolegij saziva i njime rukovodi Pravobranilac, a u slučaju njegove spriječenosti zamjenik Pravobranioca.
- (3) O radu sjednice stručnog kolegija vodi se zapisnik, kojeg vodi stručni savjetnik u Pravobranilaštvu. Zapisnik o radu stručnog kolegija sadrži podatke o prisutnim članovima kolegija, dnevni red, kratak sadržaj toka rasprave, te zaključke i mišljenja data na sjednici kolegija.

POGLAVLJE V – RADNI ODNOSI I DISCIPLINSKA ODGOVORNOST

Član 14.

(Radni odnosi)

- (1) Prava, dužnosti i odgovornost iz radnog odnosa nosilaca funkcije u Pravobranilaštvu utvrđuje se u skladu sa Zakonom o pravobranilaštvu i Odlukom o osnivanju Pravobranilaštva Grada Sarajevo.

(2) Prava, dužnost i odgovornost iz radnih odnosa državnih službenika u Pravobranilaštvu utvrđuje se u skladu sa Zakonom o primjeni Zakona o državnoj službi u Federaciji BiH u Kantonu Sarajevo, Zakona o državnoj službi u Federaciji BiH i propisima donesenim na osnovu zakona, Zakona o radu u Federaciji BiH, Kolektivnim ugovorom za službenike organa uprave i sudske vlasti u Federaciji BiH i ovim Pravilnikom.

(3) Prava, dužnosti i odgovornost iz radnog odnosa namještenika u Pravobranilaštvu utvrđuje se u skladu sa Zakonom o namještenicima u organima državne službe u Federaciji BiH i propisima donesenim na osnovu zakona, Kolektivnim ugovorom za službenike organa uprave i sudske vlasti u Federaciji BiH, Pravilnikom o radnim odnosima i ovim Pravilnikom.

Član 15.

(Disciplinska odgovornost)

- (1) Državni službenici i namještenici u Pravobranilaštvu za povrede službene dužnosti odgovaraju disciplinski u skladu sa zakonom.
- (2) Državni službenici za povrede službene dužnosti odgovaraju u skladu sa Zakonom i propisima donesenim na osnovu Zakona.
- (3) Namještenici za povrede službene dužnosti odgovaraju u skladu sa Zakonom o namještenicima u organima državne službe u Federaciji Bosne i Hercegovine i propisima donesenim na osnovu tog Zakona.

Član 16.

(Odgovornost na nastalu štetu u obavljenju službene dužnosti)

Državni službenici i namještenici u Pravobranilaštvu za nastalu štetu u obavljanju službene dužnosti odgovaraju u skladu sa zakonom i drugim propisima kojima je regulisana odgovornost državnim službenika i namještenika za nastalu štetu.

POGLAVLJE VI – USLOVI ZA PRIJEM PRIPRAVNIKA I VOLONTERA

Član 17.

(Prijem pripravnika i volontera)

Potrebu za prijemom pripravnika i volontera u Pravobranilaštvu utvrđuje Pravobranilac Godišnjim planom prijema pripravnika i volontera u skladu sa iskazanom potrebom i raspoloživim materijalno-finansijskim sredstvima.

POGLAVLJE VII – PROGRAMIRANJE I IZVJEŠTAVANJE O RADU

Član 18.

(Programiranje rada)

- (1) Obim poslova i zadataka u Pravobranilaštvu utvrđuje se godišnjim Programom rada koji utvrđuje Pravobranilac uz saglasnost stručnog kolegija. Program rada Pravobranilaštva donosi se do 31. decembra tekuće godine za narednu godinu, uz saglasnost Gradskog vijeća.
- (2) Ukoliko za Pravobranilaštvo nastanu nove obaveze donošenjem novih zakonskih propisa koji su u vezi sa djelokrugom rada Pravobranilaštva, Program rada se dopunjuje i mijenja na stručnom kolegiju.

Član 19.

(Izvještavanje o radu)

Pravobranilaštvo je obavezno najmanje jedanput godišnje podnijeti Izvještaj o svom radu Gradskom vijeću i Gradonačelniku, kao i o uočenim pojavama i problemima u primjeni zakona i drugih propisa od značaja za ostvarivanje funkcije Pravobranilaštva.

POGLAVLJE VIII – JAVNOST RADA

Član 20.

(Javnost rada)

Javnost rada Pravobranilaštva ostvaruje se u skladu sa Zakonom o slobodi pristupa informacijama u Federaciji Bosne i Hercegovine („Službene novine Federacije BiH“, broj 32/01) i Uputstvom za provođenje Zakona o slobodi pristupa informacijama u Federaciji Bosne i Hercegovine („Službene novine Federacije BiH“, broj 57/01).

POGLAVLJE IX – STRUČNO OBRAZOVANJE I USAVRŠAVANJE

Član 21.

(Stručno obrazovanje i usavršavanje)

- (1) Pravobranilac, zamjenik Pravobranilaca i ostali zaposlenici u Pravobranilaštvu obavezni su raditi na svom stručnom obrazovanju i usavršavanju.
- (2) Svi zaposlenici iz stava (1) ovog člana imaju pravo i obavezu učestvovati na savjetovanjima i drugim oblicima obrazovnih aktivnosti.
- (3) O učestvovanju na savjetovanjima i drugim oblicima obrazovnih aktivnosti odlučuje Pravobranilac, vodeći računa o podjednakoj zastupljenosti svih zaposlenika.

POGLAVLJE X – PRELAZNE I ZAVRŠNE ODREDBE

Član 22.

(Raspoređivanje državnih službenika i namještenika)

U roku od 30 dana od dana stupanja na snagu ovog Pravilnika Pravobranilac će donijeti rješenja o raspoređivanju državnih službenika i namještenika na radna mjesta utvrđena Pravilnikom, odnosno pristupiti popuni u skladu sa odgovarajućim propisima.

Član 23.

(Način i postupak izmjena i dopuna Pravilnika)

Izmjene i dopune ovog Pravilnika vrše se na način i po postupku po kojem je donesen.

Član 24.

(Ravnopravnost spolova)

Sve imenice koje se odnose na pojedine funkcije ili radna mjesta, upotrebljene u ovom Pravilniku, odnose se na oba spola.

Član 25.

(Prestanak važenja dosadašnjeg Pravilnika)

Ovaj Pravilnik stupa na snagu sa danom stupanja na snagu Odluke o davanju saglasnosti na Pravilnik o unutrašnjoj organizaciji Pravobranilaštva Grada Sarajevo.

Član 26.

(Stupanje na snagu Pravilnika)


Danom stupanja na snagu ovog Pravilnika prestaje da važi Pravilnik o unutrašnjoj organizaciji Pravobranilaštva Grada Sarajevo, broj: ~~01-08-Gp-87/15~~ od 20.10.2015. godine.

Broj: 01-08-Gp-40/17
Datum: 26.05.2017. godine

P R A V O B R A N I L A C

Jasmina Karović, s.r.

Odlukom Gradskog vijeća Grada ~~Sarajevo~~, broj 01-02-962/17 od 31.05.2017. godine, data je saglasnost na Pravilnik o unutrašnjoj organizaciji Pravobranilaštva Grada Sarajevo.



ODLUKA
o davanju saglasnosti na Pravilnik o unutrašnjoj organizaciji
Pravobranilaštva Grada Sarajevo

Sarajevo, maj 2017. godine



Na osnovu člana 26. stav 1. tačka 2. Statuta Grada Sarajeva („Službene novine Kantona Sarajevo”, broj 34/08), člana 28. Odluke o osnivanju Pravobranilaštva Grada Sarajeva („Službene novine Kantona Sarajevo”, br.: 20/10, 35/10 i 12/17), te člana 108. Poslovnika Gradskog vijeća Grada Sarajeva („Službene novine Kantona Sarajevo”, broj 28/09), Gradsko vijeće Grada Sarajeva, na Četvrtoj sjednici održanoj dana 31.05.2017. godine, d o n o s i

ODLUKU
o davanju saglasnosti na Pravilnik o unutrašnjoj organizaciji
Pravobranilaštva Grada Sarajevo

Član 1.

Daje se saglasnost na Pravilnik o unutrašnjoj organizaciji Pravobranilaštva Grada Sarajevo, broj: 01-08-Gp-40/17 od 28.04.2017. godine.

Član 2.

Ova Odluka stupa na snagu narednog dana od dana objavljivanja u „Službenim novinama Kantona Sarajevo“.

PREDSJEDAVAJUĆI GRADSKOG VIJEĆA

Dr. Igor Gavrić, s.r.

Broj:01-02-962/17
Sarajevo: 31.05.2017.godine

33/08
7/12
44/16

“Službene novine Kantona Sarajevo”, broj 33/08-Novi prečišćeni tekst

Na osnovu člana 18. Zakona o izmjenama i dopunama Zakona o pravobranilaštvu ("Službene novine Kantona Sarajevo", broj 26/08) i člana 172. stav 1. Poslovnika Skupštine Kantona Sarajevo ("Službene novine Kantona Sarajevo", broj 12/05 - Prečišćeni tekst i 7/08), Zakonodavno - pravna komisija Skupštine Kantona Sarajevo, na sjednici od 3. oktobra 2008. godine, utvrdila je Novi prečišćeni tekst Zakona o pravobranilaštvu.

Novi prečišćeni tekst Zakona o pravobranilaštvu obuhvata: Zakon o pravobranilaštvu-Prečišćeni tekst ("Službene novine Kantona Sarajevo", broj 12/01), Zakon o izmjenama i dopunama Zakona o pravobranilaštvu ("Službene novine Kantona Sarajevo", broj 20/02), Zakon o izmjenama i dopunama Zakona o pravobranilaštvu ("Službene novine Kantona Sarajevo", broj 15/05) i Zakon o izmjenama i dopunama Zakona o pravobranilaštvu ("Službene novine Kantona Sarajevo", broj 26/08), u kojim je naznačen dan stupanja na snagu tih zakona.

Broj 01-05-27821/08
3. oktobra 2008. godine
Sarajevo

Predsjedavajući
Zakonodavno - pravne komisije
Esad Hrvaić, s. r.

**ZAKON
O PRAVOBRANILAŠTVU
(NOVI PREČIŠĆENI TEKST)**

I. OSNOVNE ODREDBE

Član 1.

Pravobranilaštvo Kantona Sarajevo (u daljnjem tekstu: Pravobranilaštvo) je državno tijelo koje preduzima mjere i pravna sredstva radi pravne zaštite imovine i imovinskih interesa Kantona Sarajevo (u daljnjem tekstu: Kanton).

Pravobranilaštvo vrši i druge poslove određene zakonom.

Član 2.

Pravobranilaštvo svoju funkciju vrši u skladu sa Ustavom, zakonom, drugim propisima i općim aktima.

Član 3.

Državni organi, preduzeća (društva) i druga pravna lica dužni su Pravobranilaštvu dostavljati podatke i obavještenja o ugrožavanju, narušavanju ili osporavanju prava i stvari u vlasništvu Kantona radi preduzimanja pravnih radnji i sredstava za koje je Pravobranilaštvo ovlašteno.

Organi i pravna lica iz stava 1. ovog člana dužni su, na zahtjev Pravobranilaštva, dostaviti podatke, obavještenja i spise koji su mu potrebni za preduzimanje radnji za koje je ovlašteno.

Pravobranilaštvo preduzima pravne radnje i sredstva za ostvarivanje funkcije iz člana 1. ovog Zakona i na vlastitu inicijativu.

Član 4.

Federalni i kantonalni propisi kojima se uređuje radno-pravni status državnih službenika i namještenika u organima državne službe, shodno se primjenjuju i na državne službenike i namještenike Pravobranilaštva, ako ovim Zakonom nije drukčije određeno.

Član 5.

Pravobranionocu i zamjeniku pravobranionoca izdaje se službena legitimacija. Ministar pravde Kantona propisuje obrasce i način izdavanja službene legitimacije.

Član 6.

U pravobranilaštvu su u ravnopravnoj upotrebi bosanski, hrvatski i srpski jezik i latinično i ćirilično pismo.

Pravobranilaštvo može koristiti i ostale jezike kao sredstvo komunikacije.

Član 7.

Pravobranilaštvo ima pečat u skladu sa Zakonom o pečatima Kantona.

Na zgradi u kojoj je smješteno Pravobranilaštvo mora biti istaknut naziv Pravobranilaštva sa grbom Kantona.

Sjedište Pravobranilaštva je u Sarajevu.

II. NADLEŽNOST I ORGANIZACIJA PRAVOBRANILAŠTVA

1. Nadležnost Pravobranilaštva

Član 8.

Pravobranilaštvo vrši poslove pravne zaštite imovine i imovinskih interesa Kantona i njegovih organa, kantonalnih organa uprave, kantonalnih upravnih organizacija i stručnih službi i drugih institucija čiji je osnivač Kanton.

Izuzetno od odredaba prethodnog stava, Pravobranilaštvo vrši poslove pravne zaštite imovine i imovinskih interesa javnih preduzeća, javnih ustanova i drugih pravnih lica čiji je osnivač, odnosno suosnivač Kanton, a po zahtjevu osnivača, odnosno suosnivača.

Član 9.

Ako Vlada Kantona (u daljnjem tekstu: Vlada) drukčije ne odluči, Pravobranilaštvo, pored vršenja poslova određenih zakonom, zastupa Kanton u postupcima pravne zaštite imovine i imovinskih interesa Kantona pred stranim sudovima, arbitražama i drugim stranim državnim organima i organizacijama.

Pravobranilaštvo može ovlastiti Federalno pravobranilaštvo da obavlja poslove u postupcima iz prethodnog stava.

Ako, po propisima strane zemlje, Pravobranilaštvo ne može neposredno zastupati pred njenim sudovima, arbitražama i drugim državnim organima i organizacijama, Vlada će ovlastiti drugo lice koje po propisima strane zemlje može da ga zamjenjuje u zastupanju.

Član 10.

Državni i drugi organi, preduzeća i druga pravna lica iz člana 9. ovog Zakona dužni su blagovremeno obavijestiti Pravobranilaštvo o slučajevima u kojima je ono ovlašteno da ih zastupa i ulaže pravna sredstva i preduzima druge zakonom određene pravne radnje i da mu dostave svu potrebnu dokumentaciju.

Poslove zastupanja organa i pravnih lica iz člana 8. ovog Zakona Pravobranilaštvo vrši u svim sudskim postupcima i upravnom postupku, u skladu sa zakonom.

Pravobranilaštvo može zastupati državne organe koji su tuženi u upravnom sporu, ako ga oni na to ovlaste, kada je povrijeđena imovina i imovinski interesi Kantona.

Član 11.

U vršenju poslova zastupanja, Pravobranilaštvo je ovlašteno da preduzima sve radnje koje preduzima stranka u postupku.

Ako Pravobranilaštvo smatra da ne treba pokrenuti određeni postupak ili da treba povući tužbu ili da ne treba izjaviti određeni pravni lijek, obavještava o tome subjekt koga zastupa, koji o tome zauzima konačan stav.

Član 12.

Pravobranilaštvo preduzima pravne radnje, radi zaštite imovine i imovinskih interesa Kantona, pred sudovima i drugim nadležnim organima, kao i u drugim slučajevima zaštite imovine i imovinskih interesa Kantona, kada je na to ovlašteno zakonom.

U preduzimanju pravnih radnji iz prethodnog stava, kao i u drugim slučajevima kada je na to ovlašteno zakonom, Pravobranilaštvo ima položaj i prava stranke u postupku.

Pravobranilaštvo može zastupati i druga pravna lica, na njihov zahtjev, ako vršenje tih poslova ne utiče na blagovremeno i uspješno izvršavanje njegovih funkcija određenih zakonom.

Član 13.

Ako Pravobranilaštvo treba po zakonu da zastupa stranke čiji su interesi u suprotnosti, a jedna od njih je Kanton, a druga općina koja je poslove pravobranilaštva povjerila Pravobranilaštvu, Pravobranilaštvo neće zastupati ni jednu stranku.

U slučaju da Pravobranilaštvo treba po zakonu da zastupa stranke čiji su interesi u suprotnosti, Pravobranilaštvo neće zastupati te stranke.

U slučaju iz prethodnog stava, stranke mogu ovlastiti drugog zastupnika.

Član 14.

U postupku donošenja općih akata, kojima se uređuju imovinsko-pravni odnosi, prava i obaveze prema stvarima i vlasništvu Kantona, obavezno se pribavlja mišljenje pravobranioca.

Član 15.

Pravobranilaštvo pruža stručnu pomoć organima, fondovima, preduzećima i drugim pravnim licima iz člana 8. ovog Zakona u rješavanju imovinsko-pravnih pitanja i daje

mišljenje u vezi sa zaključivanjem ugovora imovinsko-pravne prirode (u daljnjem tekstu: mišljenje).

Organi i pravna lica iz prethodnog stava dužni su pribaviti pravno mišljenje Pravobranilaštva prije zaključenja ugovora o kupoprodaji, zamjeni, zakupu, prenosu na privremeno ili trajno korištenje stvari uz naknadu ili bez naknade, ugovora o koncesiji, ugovora o građenju i udruživanju sredstava za građenje, ugovora o statusnim i ugovornim oblicima povezivanja preduzeća, kao i drugih ugovora kojima se pribavljaju stvari ili raspolaze stvarima, odnosno materijalnim pravima.

Kada je predmet ugovora iz stava 2. ovog člana pokretna stvar ili imovinsko pravo čija vrijednost ne prelazi 10.000 KM na dan utvrđivanja vrijednosti, nije obavezno pribavljanje pravnog mišljenja Pravobranilaštva.

Pravobranilaštvo mišljenje iz st. 1. i 2. ovog člana daje najkasnije u roku od 15 dana od dana prijema zahtjeva i potrebne dokumentacije, a u naročito složenim slučajevima u roku od 30 dana.

Član 16.

Pravobranilaštvo daje Skupštini Kantona i organima Kantona, na njihov zahtjev, pravno mišljenje o imovinsko- pravnim ugovorima koje namjeravaju da zaključe sa stranim pravnim i fizičkim licima, kao i o drugim imovinsko-pravnim odnosima sa tim licima.

Član 17.

Organi, fondovi, preduzeća i druga pravna lica iz člana 8. ovog Zakona dužni su zaključeni ugovor imovinsko-pravne prirode dostaviti Pravobranilaštvu, u roku od 15 dana od dana zaključenja ugovora.

Ako Pravobranilaštvo ocijeni da je zaključeni ugovor ništav, podnijet će tužbu za utvrđivanje ništavosti, a u slučaju da ugovorena cijena ne odgovara prometnoj vrijednosti - tužbu za poništenje ugovora ili izmjenu ugovora.

2. Organizacija Pravobranilaštva

Član 18.

Funkciju Pravobranilaštva vrši kantonalni pravobranilac (u daljnjem tekstu: pravobranilac).

Član 19.

Pravobranilac predstavlja Pravobranilaštvo, rukovodi njegovim radom i vrši prava i dužnosti utvrđene kantonalnim zakonom, drugim kantonalnim propisom i općim aktom. Broj zamjenika pravobranioca utvrđuje Vlada na prijedlog ministra pravde Kantona.

Član 20.

Zamjenik pravobranioca vrši poslove iz djelokruga Pravobranilaštva koje mu odredi pravobranilac.

U zastupanju pred sudovima i drugim organima zamjenik ima ovlaštenja pravobranioca. Kad je pravobranilac spriječen ili odsutan, zamjenjuje ga zamjenik koga on odredi.

Član 21.

Pravobranioca i zamjenika pravobranioca imenuje, smjenjuje i razrješava Skupština Kantona.

Član 22.

Za pravobranioca i njegovog zamjenika može biti imenovan državljanin Bosne i Hercegovine i Federacije Bosne i Hercegovine koji je diplomirani pravnik i ima položen pravosudni ispit i iskustvo u radu na imovinsko-pravnim poslovima u pravobranilaštvu, pravosudnim organima ili pravnim poslovima u drugim državnim organima, preduzećima i drugim pravnim licima, u trajanju od najmanje pet godina, koji je radeći na tim organima i pravnim licima stekao ugled pravnog stručnjaka i koji posjeduje najviše moralne osobine za obavljanje službe pravobranioca.

Član 23.

Pravobranilac se imenuje na period od četiri godine i može biti ponovo imenovan. Zamjenik pravobranioca imenuje se bez ograničenja trajanja mandata.

Član 24.

Pravobranioocu koji ne bude ponovo imenovan prestaje funkcija pravobranioca, ali mu ne prestaje radni odnos.

Pravobranilac koji ne bude ponovo imenovan, raspoređuje se na odgovarajuće poslove u Pravobranilaštvu.

Rješenje o raspoređivanju pravobranioca iz prethodnog stava, donosi Vlada, najkasnije u roku od tri mjeseca od dana prestanka funkcije pravobranioca.

Ako pravobranilac ne prihvati raspored na poslove po rješenju Vlade, prestaje mu radni odnos, po isteku 30 dana od dana donošenja rješenja.

Član 25.

Prije stupanja na dužnost pravobranilac i zamjenik pravobranioca daju svečanu izjavu pred predsjedavajućim Skupštine Kantona.

Tekst svečane izjave glasi:

"Izjavljujem da ću se u vršenju službe pravobranioca - zamjenika pravobranioca pridržavati ustava i zakona Bosne i Hercegovine, Federacije Bosne i Hercegovine i Kantona Sarajevo i da ću službu vršiti savjesno".

Član 26.

Pravobranilac i zamjenik pravobranioca dužni su čuvati svoj ugled i ugled Pravobranilaštva.

Pravobranilac i zamjenik pravobranioca ne mogu vršiti inokosnu funkciju ni biti članovi izvršnog tijela političke organizacije.

Pravobranilac i zamjenik pravobranioca ne mogu biti krivično gonjeni ili lišeni slobode zbog iskazanog mišljenja ili odluke donesene u vršenju funkcije.

Član 27.

Pravobranioocu i zamjeniku pravobranioca služba prestaje:

- smjenjivanjem,
- u slučaju podnošenja ostavke i
- kada ispuni uslove za odlazak u penziju, propisane zakonom za državne službenike.

Član 28.

Pravobranilac i zamjenik pravobranioca će biti smijenjen od vršenja službe ako je: osuđen za krivično djelo koje ga čini nedostojnim za vršenje službe; izvršio težu povredu službe, odnosno ugleda službe; utvrđeno da kroz duže vrijeme ne postiže zadovoljavajuće rezultate i neuredno ili nekvalitetno obavlja službu; na osnovu mišljenja nadležne zdravstvene ustanove utvrđeno da je trajno izgubio radnu sposobnost.

Član 29.

U postupku smjenjivanja, pravobranioacu i zamjeniku pravobranioca omogućit će se da se izjasne o razlozima smjenjivanja.

Član 30.

Pravobranilac odnosno zamjenik pravobranioca bit će udaljen od vršenja službe ako je protiv njega određen pritvor. Pravobranilac odnosno zamjenik pravobranioca može biti udaljen od vršenja dužnosti ako je protiv njega pokrenut krivični postupak ili postupak za smjenjivanje od vršenja službe. Odluku o udaljenju od vršenja službe pravobranioca odnosno zamjenika pravobranioca donosi premijer, na prijedlog ministra pravde Kantona.

Član 31.

Pravobranilac i zamjenik pravobranioca mogu podnijeti ostavku na vršenje službe. Pravobranilac i zamjenik pravobranioca podnose ostavku Skupštini Kantona. Pravobranioacu i zamjeniku pravobranioca prestaje vršenje službe slijedećeg dana od dana u koji je ostavka primljena.

Član 32.

Odredbе zakona o parničnom postupku i o izuzeću sudija ili sudija porotnika, koje se primjenjuju na području Kantona shodno se primjenjuju i na izuzeće pravobranioca i njegovog zamjenika. Izuzeće pravobranioca i njegovog zamjenika ne mogu tražiti stranke. O izuzeću pravobranioca i zamjenika pravobranioca odlučuje ministar pravde Kantona.

Član 33.

U pravobranilaštvu postoji određeni broj državnih službenika i namještenika za vršenje stručnih i administrativno- tehničkih poslova.

Član 34.

U Pravobranilaštvu postoji potreban broj stručnih savjetnika za vršenje stručnih poslova utvrđenih ovim Zakonom.

Član 35.

Poslove stručnog savjetnika u Pravobranilaštvu može obavljati lice koje ima završen pravni fakultet, položen pravosudni ispit i najmanje tri godine radnog iskustva na pravnim poslovima. Stručni savjetnik pomaže pravobranioacu, odnosno zamjeniku pravobranioca u proučavanju i pripremanju predmeta, proučavanju pravnih pitanja u vezi sa radom pravobranilaštva u pojedinim predmetima, te samostalno ili pod nadzorom i uputstvima pravobranioca, odnosno zamjenika pravobranioca obavlja druge stručne poslove predviđene zakonom.

Član 36.

Unutrašnju organizaciju u Pravobranilaštvu utvrđuje pravobranilac, pravilnikom o unutrašnjoj organizaciji Pravobranilaštva, po prethodno pribavljenoj saglasnosti ministra pravde Kantona.

Član 37.

Pravobranilaštvo podnosi Skupštini i Vladi Kantona izvještaj o svom radu, kao i o uočenim pojavama i problemima u primjeni zakona i drugih propisa od značaja za ostvarivanje funkcije Pravobranilaštva.

Jedan primjerak izvještaja iz stava 1. ovog člana, Pravobranilaštvo dostavlja Ministarstvu pravde i uprave Kantona, koje dostavlja Vladi i Skupštini mišljenje o podne- senom izvještaju, sa prijedlogom zaključaka.

Izvještaj iz stava 1. ovog člana, sa mišljenjem Ministarstva pravde i uprave Kantona iz stava 2. ovog člana, Skupština razmatra najkasnije do 31. marta tekuće godine.

Član 38.

Pravilnik o poslovanju i vođenju evidencije u Pravobrani- laštvu donosi ministar pravde Kantona.

3. Radno-pravni status pravobranioca i zamjenika pravobranioca

Član 39.

Koeficijent za utvrđivanje plaće pravobranioca i zamjenika pravobranioca utvrđuje Komisija za izbor, imenovanja i administrativna pitanja Skupštine Kantona Sarajevo (u daljnjem tekstu: Komisija).

Plaća pravobranioca i zamjenika pravobranioca utvrđuje se množenjem polazne osnove za obračun plaća, koja se primjenjuje na državne službenike u kantonalnim organima, sa koeficijentom iz stava 1. ovog člana i tako utvrđeni iznos uveća za 0,6% za svaku započetu godinu radnog staža, a najviše do 20%.

Položajni dodatak pravobraniocu i zamjeniku pravobranioca utvrđuje Komisija.

Član 40.

Za naknade koje nemaju karakter plaće i naknade troškova službenog putovanja pravobranioca i zamjenika pravobranioca, primjenjuju se propisi koji važe za državne službenike, s tim da procenat uvećanja dnevnice za službeno putovanje pravobranioca i zamjenika pravobranioca utvrđuje Komisija.

Nalog za službeno putovanje pravobraniocu izdaje predsjedavajući Komisije, a nalog za službeno putovanje zamjeniku pravobranioca izdaje pravobranilac.

Član 41.

Pravobranilac i zamjenik pravobranioca imaju pravo na korištenje godišnjeg odmora, na način i pod uvjetima propisanim za državne službenike, a kriterije za utvrđivanje trajanja godišnjeg odmora utvrđuje Komisija.

Član 42.

O pojedinačnim pravima pravobranioca iz radnog odnosa, utvrđenim ovim Zakonom i drugim aktima, odlučuje rješenjem Komisija.

Protiv rješenja iz stava 1. ovog člana, može se uložiti prigovor Komisiji.

Rješenje Komisije po prigovoru je konačno.

O pojedinačnim pravima iz radnog odnosa zamjenika pravobranioca, utvrđenim ovim Zakonom i drugim aktima, odlučuje rješenjem pravobranilac.

Protiv rješenja iz stava 4. ovog člana, može se uložiti prigovor pravobraniocu.

Rješenje pravobranioca po prigovoru je konačno.

Član 43.

Na prava i obaveze koje se odnose na radno-pravni status pravobranioca i zamjenika pravobranioca, koja nisu uređena ovim Zakonom, primjenjuju se propisi kojima se uređuju prava i dužnosti državnih službenika u Federaciji Bosne i Hercegovine, opći propisi o radu i kolektivni ugovori.

4. Organizacija pravobranilaštva Grada Sarajeva i pravobranilaštva općine

Član 44.

Radi zaštite imovine i imovinskih interesa Grada Sarajeva (u daljnjem tekstu: Grad), odnosno općine sa teritorije Kantona Sarajevo, osniva se pravobranilaštvo Grada, odnosno pravobranilaštvo općine.

Pravobranilaštvo Grada, odnosno pravobranilaštvo općine, osniva se odlukom Gradskog, odnosno općinskog vijeća.

Odlukom iz prethodnog stava utvrđuje se i broj zamjenika pravobranioca.

Gradsko, odnosno općinsko vijeće može vršenje poslova pravobranilaštva povjeriti Pravobranilaštvu Kantona Sarajevo.

U slučaju iz prethodnog stava, sredstva za materijalne troškove i plaće službenika koji obavljaju povjerene poslove pravobranilaštva osiguravaju se iz budžeta Grada, odnosno općine.

Član 45.

Gradskog, odnosno općinskog pravobranioca i njegovog zamjenika imenuje i smjenjuje Gradsko, odnosno općinsko vijeće, na prijedlog gradonačelnika, odnosno općinskog načelnika.

Na prijedlog gradonačelnika, odnosno općinskog načelnika, organ iz prethodnog stava odlučuje i o udaljenju od vršenja službe, o izuzeću i o ostavci gradskog, odnosno općinskog pravobranioca i njegovog zamjenika.

Član 46.

Za gradskog, odnosno općinskog pravobranioca i zamjenika pravobranioca može biti imenovan državljanin Bosne i Hercegovine i Federacije Bosne i Hercegovine koji je diplomirani pravnik i ima položen pravosudni ispit i iskustvo u radu na imovinsko-pravnim poslovima u pravobranilaštvu, pravosudnim organima i drugim državnim organima, preduzećima i drugim pravnim licima, u trajanju najmanje tri godine i koji posjeduje najviše moralne osobine za obavljanje službe pravobranilaštva.

Gradski, odnosno općinski pravobranilac i njegov zamjenik daju svečanu izjavu pred predsjedavajućim Gradskog, odnosno općinskog vijeća.

Tekst svečane izjave, shodno odredbama člana 24. stav 2. ovog Zakona, utvrđuje Gradsko, odnosno općinsko vijeće.

Unutrašnju organizaciju u pravobranilaštvu Grada, odnosno općine, utvrđuje pravobranilac, pravilnikom o unutrašnjoj organizaciji pravobranilaštva, po prethodno pribavljenoj saglasnosti Gradskog, odnosno općinskog vijeća. Službenu legitimaciju gradskog, odnosno općinskog pravobranioca i njegovog zamjenika izdaje gradonačelnik, odnosno općinski načelnik, odgovarajućom primjenom pravilnika o službenoj legitimaciji pravobranioca i zamjenika pravobranioca iz člana 5. stav 2. ovog Zakona.

III. SREDSTVA ZA RAD PRAVOBRANILAŠTVA

Član 47.

Sredstva za rad Pravobranilaštva obezbjeđuju se u budžetu Kantona, odnosno budžetu općine.

Član 48.

Finansijsko i materijalno poslovanje Pravobranilaštva obavlja se na način koji važi za organe državne uprave.

Član 49.

Za radnje preduzete u zastupanju pred sudovima i drugim tijelima, u slučaju iz člana 12. stav 2. ovog Zakona, Pravobranilaštvo ima pravo na nagradu i naknadu troškova, prema tarifi o nagradama i naknadi troškova za rad advokata. Sredstva koja prilikom zastupanja ostvari Pravobranilaštvo prihod su budžeta Kantona.

IV. PRIJELAZNE I ZAVRŠNE ODREDBE

Član 50.

Pravobranilaštvo osnovano u skladu sa Zakonom o pravobranilaštvu ("Službene novine Kantona Sarajevo", broj 3/97) počinje sa radom danom imenovanja pravobranioca i zamjenika pravobranioca, a najkasnije 15. jula 1997. godine. Do dana početka sa radom Pravobranilaštva, Vlada će, na prijedlog ministra pravde Kantona, uz potvrdu Skupštine Kantona, imenovati pravobranioca i zamjenike pravobranioca.

Član 51.

Općinsko pravobranilaštvo osnovat će se i početi sa radom, odnosno općina će povjeriti obavljanje poslova pravobranilaštva Pravobranilaštvu Kantona Sarajevo, u roku od tri mjeseca od dana donošenja Zakona o pravobranilaštvu ("Službene novine Kantona Sarajevo", broj 3/97). Do početka rada Pravobranilaštva iz prethodnog stava, poslove zastupanja općina sa područja Kantona, obavljat će Pravobranilaštvo Kantona Sarajevo.

Član 52.

Pravobranilac će donijeti, u roku od 30 dana od početka rada Pravobranilaštva, osnovanog u skladu sa Zakonom o pravobranilaštvu ("Službene novine Kantona Sarajevo", broj 3/97), pravilnik o unutrašnjoj organizaciji Pravobranilaštva.

Član 53.

Ministar pravde donijet će pravilnik o poslovanju i vođenju evidencija u Pravobranilaštvu.

Član 54.

Do donošenja pravilnika o unutrašnjem poslovanju Pravobranilaštva prema odredbama Zakona o pravobranilaštvu ("Službene novine Kantona Sarajevo", broj 3/97), primjenjivat će se postojeći pravilnik o unutrašnjem poslovanju Javnog pravobranilaštva grada Sarajeva, ako nije u suprotnosti sa ovim Zakonom.

Do donošenja propisa koje po odredbama Zakona o pravobranilaštvu ("Službene novine Kantona Sarajevo", broj 3/97) donosi ministar pravde Kantona, primjenjivat će se postojeći propisi, ako nisu u suprotnosti sa ovim Zakonom.

Propise za čije je donošenje po odredbama Zakona o pravobranilaštvu ("Službene novine Kantona Sarajevo", broj 3/97) ovlašten ministar pravde Kantona, donijet će se u roku od šest mjeseci od dana stupanja na snagu tog Zakona.

Član 55.

Grad Sarajevo će osnovati Pravobranilaštvo Grada, odnosno Grad će povjeriti obavljanje poslova pravobranilaštva Pravobranilaštvu Kantona Sarajevo, u roku od tri mjeseca, od dana donošenja Zakona i izmjenama i dopunama Zakona o pravobranilaštvu ("Službene novine Kantona Sarajevo", broj 8/01), do kada će poslove zastupanja Grada obavljati Pravobranilaštvo Kantona Sarajevo.

Član 56.

Na sva pitanja koja nisu posebno regulisana ovim Zakonom za Gradsko, odnosno općinsko pravobranilaštvo, odgovarajuće se primjenjuju odredbe ovog Zakona koje se odnose na Pravobranilaštvo Kantona Sarajevo.

Član 57.

U roku od 60 dana od dana stupanja na snagu Zakona o izmjenama i dopunama Zakona o pravobranilaštvu ("Službene novine Kantona Sarajevo", broj 20/02), Gradsko, odnosno općinsko vijeće uskladit će odluke o osnivanju Gradskog, odnosno općinskog pravobranilaštva sa odredbama ovog Zakona.

Član 58.

Danom stupanja na snagu Zakona o izmjenama i dopunama Zakona o pravobranilaštvu ("Službene novine Kantona Sarajevo", broj 26/08), prestaje primjena odredaba Zakona o plaćama i naknadama funkcionera iz oblasti izvršne vlasti i kantonalne uprave u Kantonu Sarajevo i službenika koji rukovode stručnim službama ("Službene novine Kantona Sarajevo", br. 13/99 i 28/01), koje se odnose na pravobranioca i zamjenika pravobranioca.



SLUŽBENE NOVINE

KANTONA SARAJEVO

Godina XVII – Broj 7

Ponedjeljak, 5. marta 2012. godine
SARAJEVO

ISSN 1512-7052

KANTON SARAJEVO

Skupština Kantona

Na osnovu člana 18. tačka b) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01 i 28/04) i člana 49. tačka c) Zakona o plaćama i naknadama u organima vlasti Kantona Sarajevo ("Službene novine Kantona Sarajevo", broj 33/11), Skupština Kantona Sarajevo, na sjednici održanoj dana 05.03.2012. godine, donijela je

ZAKON

O IZMJENAMA I DOPUNI ZAKONA O PRAVOBRANILAŠTVU

Član 1.

U Zakonu o pravobranilaštvu ("Službene novine Kantona Sarajevo", broj 33/08 - Novi prečišćeni tekst) član 39. mijenja se i glasi:

"Član 39.

Plaće i naknade pravobranioca i zamjenika pravobranioca utvrđuju se u skladu sa zakonom kojim se regulišu plaće i naknade u organima vlasti Kantona Sarajevo".

Član 2.

U članu 40. stav 1. briše se.

Član 3.

U članu 43. iza riječi "Federaciji Bosne i Hercegovine" dodaju se riječi: "Kantona Sarajevo, kao i".

Član 4.

Ovaj zakon stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-5266/12
05. marta 2012. godine
Sarajevo

Predsjedavajuća
Skupštine Kantona Sarajevo
Prof. dr. **Mirjana Malić**, s. r.

Na osnovu člana 18. stav 1. tačka 1. 1) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01 i 28/04) i člana 111. i člana 112. stav 1. Poslovnika Skupštine Kantona Sarajevo ("Službene novine Kantona Sarajevo" - Novi prečišćeni tekst br. 25/10, i br. 14/11 i 19/11), Skupština Kantona Sarajevo, na sjednici održanoj dana 05.03.2012. godine, donijela je

ODLUKU

O IZMJENAMA I DOPUNAMA POSLOVNIKA SKUPŠTINE KANTONA SARAJEVO

Član 1.

U Poslovniku Skupštine Kantona Sarajevo ("Službene novine Kantona Sarajevo - Novi prečišćeni tekst, br. 25/10, 14/11 i 19/11) u članu 26. u stavu 3. broj "1/3" zamjenjuje se brojem "3", i u istom stavu riječi "ukupnog broja članova tijela" brišu se.

U članu 26. iza stava 4. dodaje se novi stav koji glasi:
"Vanjski članovi ne mogu biti predsjedavajući komisija".

Član 2.

U članu 35. stav 1. u alineji 6. iza riječi "obrazovanje" briše se "zarez" i stavlja riječ, "i", iza riječi "nauku" briše se "zarez" i riječi "kultura i sport".

U članu 35. u stavu 1. iza alineje 17. dodaje se nova alineja i glasi:

"Komisija za kulturu i sport"

Član 3.

U članu 37. u stavu 1. iza alineje 6. dodaje se nova "alineja 7." i glasi:

"daje saglasnost na normativne akte Službe za skupštinske poslove Skupštine Kantona Sarajevo".

Član 4.

U članu 41. u stavu 1. iza riječi "obrazovanje" briše se zarez, a iza riječi "nauku" briše se "zarez" i riječi "kulturu i sport".

U članu 41. u stavu 1. brišu se "alineje 3. i 4".

Član 5.

Iza člana "52 a." dodaje se član "52 b" i glasi:

"Član 52 b.

Komisija za kulturu i sport:

- razmatra stanje kulture i sporta i daje mišljenje i prijedlog Skupštini Kantona Sarajevo i resornom ministarstvu za unapređenje kulture i sporta u Kantonu Sarajevo,
- razmatra pitanje strategije finansiranja institucija kulture i sportskih organizacija na nivou Kantona, u cilju njihovog razvoja i efikasnijeg djelovanja i o tome daje mišljenje i prijedlog Skupštini i resornom ministarstvu,
- razmatra prijedloge o održavanju kulturnih i sportskih manifestacija u Kantonu Sarajevo od značaja za Kanton,
- razmatra pitanje i daje mišljenja i prijedloge za razvoj i unapređenje objekata kulture i sporta



SLUŽBENE NOVINE

KANTONA SARAJEVO

Godina XXI – Broj 44

Četvrtak, 3. novembra 2016. godine
SARAJEVO

ISSN 1512-7052

KANTON SARAJEVO

Skupština Kantona Sarajevo

Na osnovu člana 18. tačka b) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04 i 6/13), Skupština Kantona Sarajevo, na sjednici održanoj dana 26.10. 2016. godine, donijela je

ZAKON

O IZMJENAMA I DOPUNAMA ZAKONA O PRAVOBRANILAŠTVU

Član 1.

U članu 3. Zakona o pravobranilaštvu ("Službene novine Kantona Sarajevo", broj 33/08 - Novi prečišćeni tekst i broj 7/12) dodaju se novi st. 4, 5. i 6. koji glase:

"Kada Pravobranilaštvo mora postupati u propisanom zakonskom roku, organi i organizacije iz st. 1. i 2. ovog člana dužni su da pravobraniocu neodložno dostave spise i obavještenja, odnosno pruže podatke i objašnjenja koja Pravobranilaštvo zatraži.

Ako zbog nepostupanja, odnosno neblagovremenog postupanja organa i organizacija iz st. 1. i 2. ovog člana nastupi šteta za Kanton Sarajevo ili druge subjekte koje zastupa, Pravobranilaštvo o tome obavještava ministarstvo koje je ovlašteno da vrši nadzor nad radom tog organa ili organizacije i Vladu i podnosi rukovodiocu zastupanog organa ili organizacije zahtjev za pokretanje disciplinskog postupka radi utvrđivanja dicipilnske odgovornosti lica koje je bilo dužno postupiti po zahtjevu Pravobranilaštva.

Rukovodilac zastupanog organa ili organizacije obavezan je pokrenuti postupak iz stava 5. ovog člana i o postupanju po zahtjevu Pravobranilaštva za pokretanje postupka utvrđivanja odgovornosti i o ishodu pokrenutog postupka ovlašteno lice je dužno obavijestiti Pravobranilaštvo, koje je dužno protiv lica za koje je utvrđena disciplinska odgovornost podnijeti zahtjev za naknadu pričinjene štete."

Član 2.

U članu 10. iza stava 3. dodaju se novi st. 4. i 5., koji glase:
"Ukoliko pravomoćnom presudom bude utvrđen nezakonit rad ili odluka zastupanog organa ili organizacije, Pravobranilaštvo o tome obavještava ministarstvo koje je ovlašteno da vrši nadzor nad radom tog organa ili organizacije i Vladu i podnosi rukovodiocu zastupanog organa ili organizacije zahtjev za pokretanje disciplinskog postupka radi utvrđivanja odgovornosti za nezakonit rad ili nezakonitu odluku.

Rukovodilac zastupanog organa ili organizacije obavezan je pokrenuti postupak iz stava 4. ovog člana i o postupanju po zahtjevu Pravobranilaštva za pokretanje postupka utvrđivanja odgovornosti i ishodu pokrenutog postupka ovlašteno lice je dužno obavijestiti Pravobranilaštvo."

Član 3.

U članu 11. stav 2. iza riječi: "Ako Pravobranilaštvo smatra da ne treba pokrenuti određeni postupak ili da treba povući tužbu ili da ne treba izjaviti određeni pravni lijek, obavještava o tome subjekt koga zastupa" stavlja se tačka, a ostali dio teksta briše se.

Dodaje se stav 3. koji glasi:

"Ako se ne postigne saglasnost u mišljenju ili ako subjekt ne odgovori u određenom roku, konačnu odluku donosi Pravobranilaštvo i o tome obavještava subjekt kojeg zastupa."

Član 4.

U članu 15. dodaje se novi stav 3. koji glasi:

"Organi i pravna lica iz stava 1. ovog člana dužni su pribaviti i saglasnost Skupštine Kantona prije zaključenja ugovora imovinsko-pravne prirode iz stava 2. ovog člana, u skladu sa Ustavom Kantona i zakonom, a ukoliko na te ugovore nije pribavljeno pravno mišljenje Pravobranilaštva, Skupština ih neće ni razmatrati, odnosno odbiće davanje saglasnosti."

U dosadašnjem stavu 3. na kraju teksta tačka se briše i dodaju riječi: "niti saglasnosti Skupštine Kantona."

Dosadašnji st. 3. i 4. postaju st. 4. i 5.

Iza stava 5. dodaju se novi st. 6. i 7., koji glase:

"O ugovorima zaključenim bez prethodnog pravnog mišljenja Pravobranilaštva iz stava 2. ovog člana, Pravobranilaštvo obavještava ministarstvo koje je ovlašteno da vrši nadzor nad radom tog organa ili organizacije i Vladu i podnosi rukovodiocu zastupanog organa ili organizacije zahtjev za pokretanje disciplinskog postupka radi utvrđivanja odgovornosti lica koje je bilo dužno pribaviti pravno mišljenje Pravobranilaštva.

Rukovodilac zastupanog organa ili organizacije obavezan je pokrenuti postupak iz stava 4. ovog člana i o postupanju po zahtjevu Pravobranilaštva za pokretanje postupka utvrđivanja odgovornosti i ishodu pokrenutog postupka ovlašteno lice je dužno obavijestiti Pravobranilaštvo."

Član 5.

U članu 22. iza riječi: "diplomirani pravnik", dodaju se riječi: "ili Bakalaureat/Bachelor prava sa ostvarenih 240 ECTS studijskih bodova Bolonjskog sistema studiranja," a iza riječi: "pet godina", dodaju se riječi: "nakon položenog pravosudnog ispita".

Član 6.

U članu 24. st. 2. i 3. mijenjaju se i glase:
"Pravobranilac koji ne bude ponovo imenovan, raspoređuje se na mjesto zamjenika pravobranioaca, ukoliko je upražnjeno, a ako nije, raspoređuje se na mjesto državnog službenika u Pravobranilaštvu ili drugom kantonalnom organu u skladu sa svojim stručnim kvalifikacijama.

Rješenje o raspoređivanju pravobranioaca na mjesto zamjenika pravobranioaca donosi Skupština Kantona, a na mjesto državnog službenika Vlada, najkasnije u roku od tri mjeseca od dana prestanka funkcije pravobranioaca."

U stavu 4. riječ "Vlade" zamjenjuje se riječima: "iz prethodnog stava ovog člana".

Član 7.

Član 27. mijenja se i glasi:

"Član 27.

Pravobranioacu funkcija prestaje istekom perioda za koji je imenovan, podnošenjem ostavke, smjenjivanjem, kada ispuni uslove za odlazak u penziju propisane zakonom za državne službenike i u slučaju smrti.

Zamjeniku pravobranioaca funkcija prestaje podnošenjem ostavke, smjenjivanjem, kada ispuni uslove za odlazak u penziju propisane zakonom za državne službenike i u slučaju smrti.

U slučajevima iz st. 1. i 2. ovog člana, donosi se odluka o razrješenju."

Član 8.

U članu 31. stav 3. mijenja se i glasi:

"Pravobranioacu i zamjeniku pravobranioaca prestaje vršenje službe danom razrješenja zbog podnesene ostavke, a najkasnije u roku od 30 dana od dana podnošenja ostavke."

Član 9.

U članu 35. stav 1. na kraju stava tačka se zamjenjuje zarezom i dodaju se riječi: "nakon položenog pravosudnog ispita."

Član 10.

Iza člana 36. dodaju se novi čl. 36a. i 36b., koji glase:

"Član 36a.

Radi osposobljavanja za samostalan rad i stručnog obučavanja koje je uslov za polaganje pravosudnog ispita, u Pravobranilaštvu se mogu primati pravobranilački pripravnici pravne struke s ostvarenih 240 ECTS studijskih bodova Bolonjskog sistema studiranja.

Pripravnici se primaju u radni odnos na određeno vrijeme najduže do dvije godine.

Stručno osposobljavanje pripravnika odvija se u skladu sa programom početne obuke utvrđene normativnim aktima Pravobranilaštva, odnosno programom pravosudnog ispita propisanog posebnim propisima, s tim da se, tokom dijela pripravničkog staža, pripravnici upućuju na praktičan rad u općinske i kantonalne sudove.

"Član 36b.

Radi osposobljavanja za samostalan rad i stručnog obučavanja koje je uslov za polaganje pravosudnog ispita, u Pravobranilaštvu se mogu primati lica pravne struke s ostvarenih 240 ECTS studijskih bodova Bolonjskog sistema studiranja, bez zasnivanja radnog odnosa.

Određbe ovog zakona koje se odnose na pripravnike, shodno se primjenjuju i na lica koja se stručno osposobljavaju bez zasnivanja radnog odnosa."

Član 11.

U članu 45. stav 1. iza riječi: "imenuje", veznik "i" zamjenjuje se zarezom, a iza riječi: "smjenjuje" dodaju se riječi: "i razrješava".

Član 12.

U članu 46. stav 1. iza riječi: "diplomirani pravnik", dodaju se riječi: "ili Bakalaureat/Bachelor prava sa ostvarenih 240 ECTS

studijskih bodova Bolonjskog sistema studiranja.", a nakon riječi: "tri godine", dodaju se riječi: "nakon položenog pravosudnog ispita".

Član 13.

Iza člana 57. dodaje se novi član 57a. koji glasi:

"Član 57a.

U roku od 60 dana od dana stupanja na snagu ovog zakona, Gradsko, odnosno općinsko vijeće uskladit će odluke o osnivanju Gradskog, odnosno općinskog pravobranilaštva sa odredbama ovog Zakona."

Član 14.

(Stupanje sa snagu)

Ovaj zakon stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-31291/16
26. oktobra 2016. godine
Sarajevo

Predsjedateljica
Skupštine Kantona Sarajevo
Prof. Ana Babić, s. r.

Na osnovu čl. 17. i 21. stav (1) Zakona o visokom obrazovanju ("Službene novine Kantona Sarajevo", broj 42/13 - Prečišćeni tekst i 13/15) i čl. 119. Poslovnika Skupštine Kantona Sarajevo ("Službene novine Kantona Sarajevo", br. 41/12 - Drugi novi prečišćeni tekst), Skupština Kantona Sarajevo, na sjednici održanoj dana 19.10.2016. godine, donijela je

ODLUKU

**O DAVANJU SAGLASNOSTI ZA OSNIVANJE
ODSJEKA ZA EDUKACIJU I REHABILITACIJU NA
PEDAGOŠKOM FAKULTETU UNIVERZITETA U
SARAJEVU**

I

Daje se saglasnost za osnivanje Odsjeka za edukaciju i rehabilitaciju na Pedagoškom fakultetu Univerziteta u Sarajevu, u skladu sa priloženim Elaboratom.

II

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-05-30570/16
19. oktobra 2016. godine
Sarajevo

Predsjedateljica
Skupštine Kantona Sarajevo
Prof. Ana Babić, s. r.

ELABORAT

**o opravdanosti osnivanja Odsjeka za edukaciju i
rehabilitaciju**

Uvod

Obrazovana radna snaga predstavlja suštinski preduvjet ekonomskog razvoja države. Najnaprednije i najbogatije države svijeta imaju najbolje obrazovne sisteme. Pravo na obrazovanje utvrđeno je Ustavom Bosne i Hercegovine. Finansijska sredstva alocirana u obrazovne svrhe nisu dovoljna. Stručno obučavanje predstavlja ključni preduvjet za ekonomski razvoj jedne zemlje i smanjenje stope nezaposlenosti i siromaštva.

Ovim elaboratom se uzeo u obzir veliki značaj raspoloživih kvalificiranih i kompetentnih stručnih kadrova iz oblasti edukacije i rehabilitacije osoba sa teškoćama u razvoju, kako bi se povećao broj kvalificiranih kadrova specifičnih za educiranje i rehabilitaciju, kao i njihovo uključivanje u aktuelnu reformu visokoškolskog sistema obrazovanja.

Osnivanje Odsjeka za edukaciju i rehabilitaciju na Pedagoškom fakultetu Univerziteta u Sarajevu dalje polazi od premise da visoki kvalitet u ovoj oblasti može da se realizira visokokvalitetnim obrazovanjem i usavršavanjem stručnih kadrova na svim nivoima. Visoki kvalitet obrazovanja i usavršavanja postiže se veoma dalekosežnim integriranjem formalnih i neformalnih kvalifikacionih mjera potrebnih za